

## GM 2010

Sulorarluni GM ukiormanna Ilulissaniissaaq

Sulorarluni GM pisarnertut paskikkunni ingerlanneqassaaq.

### Dommerit pikkorissarnerat

GM-ip ingerlanneqarneranut atatillugu Kattuffik dommerinik pikkorissartitsiniarpoq Finn Nielsen aamma Poul Erik Pedersen ilitsersuisoralugit.

Dommerit GM-eqarnerani pikkorissarnermut peqataasussat angalanerat nerisaqarnerallu GBF-imit akilerneqassaaq. Peqataaniartut GM-imut peqataasussat allat peqatigalugit nalunaassapput.

### GM-IMUT NALUNAARNI SSAQ

Angalanermi Piumasaqaatit allangornerat pissutigalugu GM-imut nalunaarfissaq killilerneqarpoq **12. marts 2010**-mut nalunaarfissatullu GBF-ip suliarititai atorneqassapput.

Kredsini pissartanngorniuunnerit inernerit GBF-imut nassiunneqassapput, GM-imut tulleriiarineq ingerlanissaanillu pilersaarusionerq suliarineqarsinnaaqqullugit.

### GM-imi MALERUAGASSAT

Sulorarluni GM 2010-mi maleruagassat:

Matumuuna nalunaarutigineqassaaq Kalaallit Nunaanni pissartanngorniuunnerit 2010 ingerlanneqassammata Ilulissani (31. marts – 04. april).

Aaqqissuisut:

Jakobshavn Badmintonklub, Box 176, 3952 Ilulissat.

Inuit attaveqarfissat:

Ib Hansen, Mobil: 54 52 17, [ib@jbf-ilulissat.com](mailto:ib@jbf-ilulissat.com)

Michael Kleist, Mobil: 53 09 71, [jbf@greenet.gl](mailto:jbf@greenet.gl)

GM 2010-imi ukiut atuutsinneqartussat / Aldersfordeling til GM 2010

UNAMMEQATTAARFIMMI 2009 – 2010-mi UKIUT ATUUTSINNEQARTUSSAT:

Sinniisut kingullermik ataatsimiinneranni akuersissutigineqarpoq ukiut atuutsinneqartussat Grønlands Badminton Forbund-ip maleruagassai atuuttut malissagaat.

### Unammeqattaarfimmi 2009-2010 ukiut atuutsinneqartut ukuupput:

U15 – 1995-imi 1996-imiluunniit inunngortut

U17 – 1993-imi 1994-imiluunniit inunngortut

U19 – 1991-imi 1992-imiluunniit inunngortut

Inersimasut – 1990-imi sioqqulluguluunniit inunngortut tamarmik

Oldboys/Oldgirls – 1975-imi sioqqulluguluunniit inunngortut

Aamma ajornanngilaq ilaaffigisinnaasanit angajulliunerusunut peqataasinnaanissaq!

Oldboys/Oldgirls pisinnaatitaapput pisinnaassuseqarunik Inersimasunut (senior) peqataanissaminnut.

Oldboys/Oldgirls-ini taamaallaat nalunaartoqarsinnaavoq kisimiilluni unamminissanut, aatsaalli kisimiillutik unamminiarlutik nalunaartut ikinnerpaamik arfiniliuppata.

Kisimiillutik unamminiarlutik nalunaartut ikinnerpaamik arfiniliussapput marlukkaarlutillu unamminiarlutik ikinnerpaamik sisamaassallutik. Nalunaartut ikippallaarpata nalunaartut taakku angajulliunerulaartunut nuutinneqassapput, taamaattorli Oldboys/Oldgirls-it inersimasunut nuutinneqarlutik.

GM-imi unamminissat:  
Marlung. 30. marts: Angutit arnallu kisimiillutik unammisussat rækkini tamani (ualikkut unukkulluunniit aallartillutik).  
Pingasunng. 31. marts: Angutit arnallu marlukkaartut tamarmik ¼-finalit ilanngullugit.  
Sisamanng. 01. april: Angutit arnallu kisimiillutik rækkini tamani.  
Tallimanng. 02. april: Angutit arnallu iligillutik rækkini tamani ¼-finalit ilanngullugit.  
Arfininng. 03. april: ¼ aamma semifinalit angutini arnanilu kisimiillutik rækkini tamani aamma angutit arnallu marlukkaarlutik semifinalii rækkini tamani.  
Sapaat 04. april: Rækkini tamani ajugaaniutivinnerit.

Piffissat eqqortut agguataarinerillu unammeqattaarnerit programmianiikkumaarput.

Arsat:

U-15 aamma U-17 plastikkinik arsaqassapput - Yonex 350 assipajuiluunniit.

U-19, Inersimasut aamma Oldboys suluusalinnik arsaqassapput -(Forza AF Tournament/RSL Tournament)

Akiliutit:

U-15: 40 kr. U-17: 80 kr. U-19, Inersimasut aamma Oldboys: Kr. 120,- Taakku atuupput nalunaartumut ataatsimut kisimiikkunik, marluk iligiikkunik aamma angut arnarluk iligiikkunik. Taakku GM aallartitsinnagu Jakobshavn Badmintonklubbimut akilerneqassapput.

Nersornaatisiassat:

Rækkini tamani nr. 1-t, 2-t 3-llu nersornaatisiassapput/medaljinnassapput aammalu inersimasuni ajugaasut GIF-imit Tuukkannassapput. Kisimiillutik rækkini unammisunut ingerlaartunik pokaleqarpoq.

Nalunaarneq:

Klubbit GBF-imut ilaasortat GM-imut ilaatitassaminnik nalunaarutiginnissinnaapput, taakku sivikinnerpaamik qaammatini pingasuni klubbimi ilaasortaasimappata. Klubbit kajumissaarneqarput kredsini pissartat siornalu GM-imi asjugaaniutivinnernut peqataasut nalunaarteqqullugit. Rækkinit angajulliunerusunut nuuttut nutaamik misilitseqqissapput. Taaneqartut taakku saniatigut klubbit taamaallaat nalunaarutigissavaat sulorartartut angummassinnaalluinnartut, KM-ini pitsaanerpaanut ilaasut. GBF-ip ajorinngilaa iligiilluni marlukkaarneri klubbeqatigiinngikkaluit iligiissinnaanerit, tamannalu sulorartartut klubbiinit akuerineqarpoq.

Sulorartartut Kalaallit Nunaata avataani najugallit GM-imut peqataanissaat ukununga atuuppoq:  
U15, U17 aamma U19:

Sulorartartut inuusuttut sulorarnermik aallutaqarlutik Kalaallit Nunaata avataani atuartut namminneq klubbimik ataani GM-imut peqataanissaminnut periarfissaqarput. Sulorartartut allat atuariartorsimasut uppersarsinnaassavaat sulorarneq qaffasissumik ingerlakkitsik, namminneq klubbimik ataani GM-imut peqataanissaassagunik.

Inersimasut aamma Oldboys/Oldgirls-it Kalaallit Nunaata avataani najugallit:

Inersimasut aamma Oldboys/Oldgirls-it namminneq klubbertik sinnerlugu peqataassagunik ilinniarnerninnut atatillugu Namminersorlutik Oqartussanit tapiiffigineqarsimasuussapput imaluunniit sulorartartut Team Grønlandimit tapiiffigineqartuullutik.

Sulorartartut GBF-imit toqqakkat GBF sinnerlugu GM-imi peqataassapput.

GM-imukarluni angalanerit uternissallu GBF-ip susassarinngilai, taamaallaat unammisussatut GBF-p toqqagai akiliniunneqassapput.

Nalunaarnissamut killiliussa:

Nalunaarneq e-mail atorlugu pissaaq GBF-imut [gbf@greenet.gl](mailto:gbf@greenet.gl) aamma Jakobshavn Badmintonklubbimut [ib@jbf-ilulissat.com](mailto:ib@jbf-ilulissat.com) kingusinnerpaamik 12. marts 2010 nal. 16.00.

Nalunaartut malillugit GBF billettissanik inniminniissaaq.

Peqataasunut pisortat:

Klubbit tamarmik pisortaqartitsissapput. Taanna unammisussat ilagisinnaavaat. Pisortaq aqqjissuussisunut Jakobshavn Badmintonklubbimut GBF-imullu attaveqaataassaaq unammisussallu allarneranniit angerlarnissaannut akisussaasuussalluni.

GM-p aningaasaqartinnera:

Puljini peqataasussanut akit agguaqatigiissitsinikkut naatsorsorneqarput, klubbillu naatsorsuutigissavaat angalanermut najugaqarnermullu aningaasartuutissat nalunaartumut ataatsimut agguaqatigiissillugu 5.000 kruuniunissangatinneqarmata.

Inaarutaasumik naatsorsuusionerq GM-ip kinguninngua piumaarpoq klubbit angalanerminnut naatsorsuutaat inaarutaasut tiguneqarniariarpata.

### **Peqataasussat tamarmik kajumissaarneqarput angerlarsimaffinni najugaqarfigisinnaasaminnik nassaarniaqqullugit.**

Jakobshavn Badmintonklub unammisussanut/klubbinut angerlasimaffinni namminneq najugaqarfissarsisimanngitsunut killilimmik najugaqarfissaqartitsivoq. Tamannali Jakobshavn Badmintonklub-imut nalunaarutigineqassaaq kingusinnerpaamik nalunaarnermi 12. marts 2010 nal. 16.00. Taamattaq naatsorsuutigineqarpoq unammiaarnernilu pisortaaunit piumasaqaataalluni peqataasunut pisortaaunit unammisussatik najugaqatigissagaat.

Taakku saniatigut klubbit/peqataasut periarfissaqarput namminneq akilikkaminnik namminneerlutik najugaqarnissaminnut/nerisaqarnissaminnut ukunani inniminniinissaminnut:

Atuarfik Jørgen Brønlund  
SPS kollegiet

Piginnaasat malillugit tulleriarineq:

Illoqarfinni KM-inilu pissartanngorniuunnerit inernerit GBF-imut qulaani taaneqartutut nalunaarnermut atatillugu nalunaarutigineqassapput. Taava GBF GM2009-imi inernerit ilanngullugit piginnaasat malillugit tulleriarissaaq GM-eqarnermi atugassamik.

### **Sinniisut ataatsimiinnerat**

GM 2010-eqarnerani GBF sinniisunik immikkut ittumik ataatsimiititsissaaq tallimangornermi 02. april 2010. Sumiiffissaaq piffissarlu kingusinnerusukkut nalunaarutigineqassapput kingusinnerpaamilli GM-eqalersinnagu.

Naatsorsuutigineqarpoq ullormut oqaluuserisassatut siunnersuutitut paasissutissat il.il. GBF-imiit klubbinut kingusinnerusukkut nassiuunneqarumaartut.

Klubbit qinnuigineqarput nalunaarnerminnut atatillugu nalunaarutigeqqullugu ataatsimiinnermi kina sinniisoriniarnerlugu.

### **Naggataarnersiorneq**

Naggataarnersiorneqassaaq sapaammi 04. april 2010 nal. 19.30-imiit. Sumi naggataarnersiorneqassanersoq kingusinnerusukkut nalunaarutigineqassaaq.

Naggataarnersiorneqassamut peqataanissamik nalunaarneq pissaaq GM-imut nalunaarnermut atatillugu.

GBF/Jakobshavn Badmintonklub